

東觀餘論



跋祕閣灋帖



唐太宗購王逸少書使魏徵褚遂良定真偽臣
我太宗購古今書而使王著辨精拙定爲灋帖
此十卷是也其間一手偽帖太半甚者以千字
文爲漢章帝張旭爲王子敬以俗人學智永爲
逸少如其間以子敬及真智永爲逸少者猶不
失爲名帖余嘗於檢校太師李瑋弟觀侍中王
貽永所收晉帖一卷內武帝王戎謝安陸雲
輩灋若篆籀體若飛動著皆委而弗錄獨取郗

惜兩行入十卷中使人慨歎又劉孝孫處見柳
公權所收跋子敬送梨帖然於太宗卷中辨出
乃以逸少一帖連在後而云又一帖不知爲逸
少也公權唐名家尚如此顧何議著今長安李
氏所收逸少帖貞觀所收第一帖著名已非逸
少真蹟餘可知矣獨未知徐壽徐浩子能別書所訪者何如耳
余抱疾端憂養目文藝思而得之粗分真僞因
跋逐卷末以貽好事同志百年之後必有擊節
賞我者余無富貴願獨好古人筆札每滌一研

展一軸不知疾雷之在傍而味可忘嘗思陶弘
景願爲主書令史大是高致一念不除行年四
十恐死爲蠹書魚入金題玉躔間游而不害元
祐三年維揚倦游閣襄陽漫仕米芾元章書
第一

漢章 晉元 晉武 齊高 梁武

梁高 簡文

右七帖並一人手寫僞帖晉武帝當是
孝武梁高當是齊高

第二

張芝後一帖是 前五帖並張旭 崔子玉

鍾繇長風齊梁人書 皇象後臣象言同章

帝一偽帖王廙二十四帖同上 謝安前一帖是

後六月帖同上

第三

庾翼已向帖 杜預親故帖 王循

司馬攸 王劭 劉瓌之 劉穆之

王廙 張翼 陸雲 山濤

下壺 謝發 羊欣

右皆與漢章一手偽帖

第四

阮研 蕭確並同章帝 虞世南臨樂毅論者俗

人偽帖餘皆真 歐陽詢比年亦俗人偽作

第五

李斯書未知何人書 程邈與章帝一手 蔡琰同上

何氏二帖歐陽詢 敬祖鄱陽二並子敬 孤不

度德亮白二並諸葛書 懷素同程邈

既移屋 足下並羊欣末有欣白字

第六

適得書 知欲 差涼 比奉對 兄靈 伏想 嫂
宰相安和 又不能 疾不退 夫人

想大小 知足下連不快智永小佳 是月也

吾昨得張旭追尋敬子疾患 二十日餘可耳劉繹

餘字 作僕 定登劉繹文 作定聽

右不注出者皆偽

第七

初月二日 足下時事吾怪足下 前從洛

十月七日

集成

當力

承足下

子敬

荀侯

足下家極知

僕近修小園

右不注出者皆僞

第八

此蒸濕

子敬代父

月半同上

尊夫人

僞

適欲遣

書

智果

第九

相過終無復日

玄度時往來

前告先以

陳

慕容

並無名人偽帖

薄冷

益郎

並歐書

第十

吾當託桓江州

消息疾不退

省前書

近與鐵石

知鐵石

玄度何來遲

忽動唐大

左衛長史張旭書

承冠軍故尔復面悲積

還此

得西問

海監諸舍

並未詳何人書

獻之白不審疾

鄱陽歸

右並羊欣

弟八此郡之弊蘇大簡子者謂之與王述

書及一昨得安西及增慨三帖真蹟自蘇

氏歸吾家

米元章禮部所作灋帖題跋一卷真蹟藏
西洛王晉玉家經靖康之亂已散亡矣
先君學士灋帖刊誤盛行于世博訪米氏
題跋藏書家俱未之見偶檢故書忽見
先君子親寫米氏題跋得之甚喜草書間
有難解者取灋帖逐卷中語釋出斯文遂
成全書乃命筆史抄錄附刊誤之後紹興

癸亥冬十一月二十二日武陽黃訥識

記與劉無言論書



劉憲御史燾無言來予與論書劉因言政和初
人於陝西發地得木竹簡一瓮皆漢世討羌戎
馳檄文書若今吏案行遣皆草草書然斷續不
綴屬惟鄧隲永初二年六月一篇成文尔見前篇
今宗室仲忽及梁師成家尚多得之石本乃就
簡上摹得者予因言見漢魏間人章表亦多用

章草書今猶有存者如司馬孚孫皓表奏世或傳之疑所謂章草上章用之不因漢章帝好之因謂之章草也蓋此雖草書而有波磔若正書之有分隸既不顛放易曉又可赴急宜漢人以作檄書也劉言續帖中李懷琳書絕交書多有古字若堯為漢如漢最等字疑有所受非懷琳自能作也予言張彥遠言昔嵇叔夜自書絕交書數紙人以右軍數帖來易惜不與之則叔夜書唐世尚有之疑懷琳嘗見之故放焉

決非自能作也蓋懷琳嘗僞作衛夫人及七賢帖不逮此遠矣故竇臬云乃有懷琳厥蹟踈壯假他人之姓字作自己之形狀則知絕交書誠有所放也其卷尾云右軍書蓋誤云今世有蕭子雲草書出師頌甚古雅與子雲他書全不類疑亦放漢人書也蓋東漢人喜作分隸與章草它書傳世者鮮矣予言淳化灋帖中有南唐人一手僞帖頗多如僞作山濤崔子玉謝發卞壺皆是一手寫古人帖語耳第三卷最多今祕

閣有數匣尚存皆澄心堂紙書分明題曰倣書
不作傳摹與真蹟而當時侍書王著編彙殊不
曉特取名以入錄故與真蹟混淆却多有好帖
不入殊可惜也予灋帖正誤中論之甚詳劉言
鄧騭簡書永初二年六月丁未朔二十日丙寅
而東漢紀是年七月復有丙寅恐史誤也簡書
當時文字又有月朔不應差云又云歐陽詢舉
世呼爲率更傳亦書其終於率更而有八分書
一碑乃銀青光祿大夫爲給事中史未嘗書也

予云此例甚多如唐史王方慶傳云自襲至方慶五世封石泉而今寶章集中方慶官云琅邪縣開國子則是方慶嘗封琅邪後徙石泉也亦史誤云至於世之稱謂則不常如楊凝式終太子太傅而今人但呼爲楊少師之類劉云楊書賽過珊瑚樹一帖乃在洛中一僧房中於書摠上寫之即俗所謂書襍者予云洛陽文潞公家有楊書詩帖十一紙字與珊瑚帖相類今洛亦有石本而不能盡載也楊多書僧壁而傳於楮

素者甚少今壁書亦自少洛陽惟有廣愛寺西
禪院兩壁勝果院一壁天宮寺一壁而已因甲
子歲大水損失者多矣劉言瀛州有邢巒碑甚
完金陵有唐高正臣書本埋沒園中其父亘翁
令人發出立之今易致其字畫殊有虞褚灋也
又云續帖中春朝微雨一帖乃陸柬之書余云
灋帖中有柬之一帖乃晉人語恐柬之臨學者
予又云裴行儉以書知名而世人罕傳之嘗見
一帖寫兵灋字甚怪放恐非真也劉云嘗見行

儉所書千字亦工云又云寶章集題者小字乃
鍾紹京書予云紹京碑今有存者蓋師薛稷也
予又云焦山鶴銘俗傳王逸少書非也一小書
中載云陶隱居書此或近之然此山有唐王瓚
一詩刻字畫全類此銘不知即瓚書抑瓚學銘
中字而書此詩也劉曰嘗親至彼觀疑即瓚書
也下有云皇山樵人逸少書非王逸少也蓋唐
有此人亦号逸少耳又云作鍾鼎須用竹筆書
乃佳予云不然今鍾鼎字若李嬪鼎伯彖簠字